

REFERAT SAA- Sanarfinermut Avatangiisinullu Ataatsimiititaq d. 25-03-2019

Mødedato Mandag d. 25. marts 2019 kl. 19:45

Mødested Kommunalbestyrelsip ataatsimiittarfia

Indholdsfortegnelse

Saqqaa.....	3
Oqaluuserisassat akuersissutigineqarneri.....	4
Nalunaarutit.....	5
Ilisimatitsissutit.....	6
Kommunimut pilersaarummut tapiliussassatut siunnersuutissaq.....	7
Kommuneqarfik Sermersuumi aamma Tasiilami eqqagassanik suliaqarneq.....	11
Aalajangiiffigisassat.....	14
Suliat Aningaasaqarnermut Inuussutissarsiornermullu Ataatsimiititamut aammalu Kommunalbestyr	15
Qamuteralaat pillugit ileqqoreqqusaq, Inaarutaasumik akuersissutigineqarnera.....	16
Kommunimut pilersaarummut tapiliussatut siunnersuut 1C37-1 Nunatta Eqqumiitsulianik Saqqumr	20
Kommunimut pilersaarummut tapiliussatut siunnersuut, 2B1-1 Industrivej. Nuuk, Nussuaq.....	23
Pilersaarusionermut periusissiaq P18 – Inaarutaasumik akuersissutiginera.....	27
Taasariaqartut allat.....	31
Suliat matoqqasut.....	32
Lukket.....	33
Lukket.....	34
Imaqarniliap akuerineqarnera.....	35

Punkt 0: Saqqaa

Ilaasortat

Justus Hansen (D), siulittaasoq.

Harald Bianco (IA)

Charlotte Piké (IA)

Mala Høy-Kúko (S)

Laura Taunâjik (S)

Beslutning

Justus Hansen (D) najuuppoq.

Oqarasuaatikkut peqataavoq: Harald Bianco (IA), Charlotte Pike (IA), Mala Høy-Kúko (S) aamma Laura Taunâjik (S).

Punkt 1: Oqaluuserisassat akuersissutigineqarneri

Beslutning

Oqaluuserisassat allannguutaalu akuerineqarput.

Punkt 2: Nalunaarutit

2a. Siulittaasup nalunaarutai

2b. Ingerlatsiviup nalunaarutai

Beslutning

2a. Soqanngilaq

2b. Sanarfinermut Avatangiisinullu Ingerlatsivimmi pisortap Paamiuni ingerlatsiviup biiliutaasa qanoq issusii killiffiillu ilisimatitsissutigai, taakkununga ilanngullugu eqqagassalerinermi biili qorsuk Toyota HiAce iluarsartuunneqarsimasoq Paamiunut nassiunneqarsimasoq (asseq takuuk). Biili biiligineqareersumut – aamma Toyota HiAce-mut tapertaassaaq. Kingullertut taaneqartoq HiAce pitsanngorsarneqassaaq iluarsartuunneqarlunilu, taamaalilluni ingerlatsiviup eqqagassalerisui 2019-ip ingerlanerani naleqquttunik marlunnik eqqagassalerissutitaassapput.

Aammattaaq Paamiuni ingerlatsivimmi sulisut ukiut marluk ingerlanerini mikisunik Hitachi gummigedinek Manitou teleskoplæsserinillu pisaarnikuupput, aammalu piffissap sivikitsup iluani angisuumik Hitachi gummigeditaassamaarlutik. (assit takukkit)

Paamiuni ingerlatsiviup biilit nalinginnaasut maskiinaataalu taamaalillutik kommunimi illoqarfinni allani pigineqartunut sanilliullutik nutaanerpaanut ilaassapput.

Bilag

Medd.billeder.pdf

Punkt 3: Ilisimatitsissutit

Punkt 03A: Kommunitut pilersaarummut tapiliussassatut siunnersuutissaq

Beslutning

Ilisimatitsissut tusaatissatut tiguneqarpoq.

Bilag

bilag 1.pdf

bilag 2.pdf

bilag 3.pdf

Kommunimut pilersaarummut tapiliussassatut siunnersuutissaq

Ilisimatitsissut

J.nr.: 16.04-P20-1-19

Sanarfinermut Avatangiisinullu ingerlatsivik – Pisortaq Hans Henrik Winther Johannsen /HHWJ

Suliassamik eqikkaaneq

Sanarfinermut Avatangiisinullu Ingerlatsiviup matumuuna uunga kommunimut pilersaarummut tapiliussatut siunnersuuteqartoqarnissaa ilisimatitsissutigaa:

Nuup qiterpasissuani sumiiffinni assigiinngitsuni sisamani ineriartortitsineq: Spindlers Bakke, Ole's Varehus, Inussussuaq aamma Kissarnejqortuunnguaq, kiisalu Ittoqqortoormiini immikkoortut ilaannik killilersukkanik ineriartortitsineq.

Inassuteqaat

Sanarfinermut Avatangiisinullu Ingerlatsiviup inassuteqaatigaa

- ilisimatitsissut ataatsimiititamit tusaatissatut tiguneqassasoq aamma
- ilisimatitsissut Aningaasaqarnermut Inuussutissarsiornermullu Ataatsimiititamut ilisimatitsissutit ataatsimiititamit ingerlateqqinneqassasoq, kingornalu Kommunalbestyrelsimut ilisimatitsissutit ingerlateqqinneqassasoq.

Suliassamik saqqummiussineq

Sanarfinermut Avatangiisinullu Ingerlatsiviup kommunimut pilersaarummut tapiliussatut siunnersuutit makku aallartinneqartussat matumuuna ilisimatitsissutigai:

1C4-2 Spindlers Bakke, Nuuk

Sumiiffimmut tunngatillugu aalajangersakkanik immikkuualuttunik suliaqarnissaq ingerlatsiviup aallartissavaa, B-299 (Butik Nivi) nutaamik illuliortoqarnissaanut inissaqartitsisoqarniassammat ingitserneqarnissaanut kissaateqarneq pissutigalugu.

1C8-7 Ole's varehus, Nuuk

B-282 (Ole's varehus) pillugu ingerlatsivik kommunimut pilersaarummut tapiliussamik suliaqarnissaq aallartissavaa, taassumalu ingitsernissaanut nutaamillu aallartitsisoqarnissaanut periarfissaqalersissavaa, tamaaniissallutik assigiinngitsunik siunertallit tassalu inissiat, pisiniarfiit inuussutissarsiuteqarfiillu.

1A15-3 Inussussuaq, Nuuk

Ingerlatsiviup kommunimut pilersaarummut tapiliussamik suliaqarneq aallartilerpaa, tassuuna sumiiffimmi sanaartorfissat ataatsimik ilaneqassammata, aammalu sumiiffimmi pisiniarfeqarfiit illutaasa quleriit arfineq pingasut tikillugit portutigilersinnaanissaat periarfissaalissammat.

1C16-2 Kissarnejqortuunnguaq, Nuuk

KNR Nuummi tusagassiutinut nutaamik illuliorniarpoq, tamannalu piviusunngortinniarlugu, sumiiffimmut 1C16-imut ingerlatsivik nutaamik pilersaarusionermut toqqammavissaliussaaq.

Ittoqqortoormiit

Nunaminertanik atugassiinissanut tunngasunik arlalinnik suliaqarneq pissutigalugu, Ittoqqortoormiini immikkoortut ilaannik killilersuisoqarnissaanut tunngasut nutarterneqartussaapput, taamaalilluni illoqarfik iluaqutaasumik ineriartortinneqarnissaa qulakkeerneqarniassammat. Taamaattumik ingerlatsivik nunaminertanik oqartussaqaarfimmit aammalu illoqarfimmik inerisaavimmi sulisunik marlunnik illoqarfimmut suliarortitsiniarpoq, nutaamik pilersaarusionermut toqqammavissamik suliaqartussanik. Tamatumunnga iluatsillugu tamakkiisumik pilersaarusiap suliarineqarnissaanut alloriarnerit aallarniutaasussat suliarineqassapput.

Kommunimut pilersaarummut tapiliussat pillugit tamanut tunngasut tassaapput:

- attuumassuteqartut pisariaqartut peqataatinneqassapput
- siunnersuutit politikikkut akuerisat sapaatit akunneri arfineq-pingasut tikillugit tusarniaassutigineqassapput
- akerliliissutit suliarineqassapput
- kommunimut pilersaarummut tapiliussaq tamanut nalunaarutigineqannginnerani inaarutaasumik akuersissutigineqassaaq

Aaqqiissutissatut siunnersuut – suliatigut naliliineq

Ingerlatsivik kommunimut pilersaarummut tapiliussatut siunnersuutissap qulaani taaneqartup politikikkut suliarinissaanut pisariaqartumik suliarinneqaassaaq.

Aningaasatigut sulisoqarnikkullu naliliinerit

Kommunimut pilersaarummut tapiliussatut siunnersuutip suliarinerani ingerlatsivimmi sulisooreersut suliarinnittuusarput, taamaattumillu aningaasatigut artukkiissutaaneq ajorlutik.

Inatsisitigut tunngavissaq allakkallu tunngaviusumik uppernarsaatitallit

Pilersaarusionerq aamma nunaminertat atornerqartarneri pillugit Inatsisartut inatsisaat nr. 17, 17. november 2010-imeersoq aamma

Inatsisartut inatsisaat nr. 34, 9. decembari 2015-imeersoq

Kommunimut pilersaarut digitaliusoq www.sermersooq2028.gl

Ingerlariaqqinnissaq

Siunnersuutit 2019-ip aallartisimalernerani politikikkut akuerineqarnissaminnut piareernissat naatsorsuutigineqarpoq

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfimmit oqaaseqartitsisoqarsimangilaq.

Innuttaasunik peqataatitsineq/attaveqaqatigiinneq

Soqutigisallit attuumassuteqartut innuttaasullu kommunimut pilersaarummut tapiliussatut siunnersuutit suliarinerini peqataatinneqassapput.

Ingerlatsivinniit allaniit oqaaseqaatigineqartut

Ingerlatsivinnit allaniit oqaaseqartitsisoqarsimangilaq

Ilanngussat

1. Ilanngussaq 1 Immikkoortup nunataata assinga - 1C4 (Spindeler Bakke) & 1C8 (Ole's Varehus)
2. Ilanngussaq 2 Immikkoortup nunataata assinga – 1A15 (Inussussuaq) & 1C16 (KNR)
3. Ilanngussaq 3 Immikkoortup nunataata assinga – Ittoqqortoormiit

Punkt 03B: Kommuneqarfik Sermersuumi aamma Tasiilami eqqagassanik suliaqarneq

Beslutning

Ilisimatitsissut tusaatissatut tiguneqarpoq.

Kommuneqarfik Sermersuumi aamma Tasiilami eqqagassanik suliaqarneq

Ilisimatitsissutitut

J.nr.: 00.00-A00-1137-19

Sanarfinermut Avatangiisinullu Ingerlatsivik – Pisortaq Hans Henrik Winther Johannsen / HHWJ

Suliap eqikkarnera

Sanarfinermut Avatangiisinullu Ataatsimiititami siulittaasoq Justus Hansen (D) Ingerlatsivimmut Ingerlatsiviup akisussaaffeqarfiinut tunngasunik apeqquteqaateqarpoq, eqqakkanut anartarfilerinermullu tunngasut ilanngullugit, kiisalu Kommunip sumiiffeqarfiini aputaajaasarnermut tunngasut.

Inassuteqaat

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigivaa:

- ilisimatitsissut tusaatissatut tiguneqassasoq

Suliamik saqqummiussissut

Sanarfinermut Avatangiisinullu Ataatsimiititami siulittaasup Justus Hansenip (D) Ingerlatsivimmut apeqquteqaatigivai Ingerlatsiviup suliassaqaarfiinut tunngasut.

Apeqquteqaateqarnermut tunngaviupput kommunip sumiiffiini eqqagalerinermut anartarfilerinermullu tunngasut, aamma:

1. Ingerlatsiviup namminersortumillu ingerlatsisut akornanni suleqatigiittoqarnerasoq aamma attaveqaatigiittoqarnerasoq?
2. Siunissamut pilersaaruteqarpa?
3. Nalunaartoqartannginnera akiliisoqartannginneralu.
4. Eqqaavilerinermut tunngasunut atortoq Reno web? Atortoq nutaaq?
5. Najukkamik ilisimasaqarneq aamma Nuuk?

Apeqquteqaatinut pingaarnertut oqaaseqaatit.

Kommuneqarfik Sermersuumi eqqakkanik anartarfilerinermillu suliaqarneq Kommuneqarfik Sermersuumit ingerlanneqartarpoq Angerlarsimaffinnit eqqakkat pillugit maleruagassaq, Inuussutissarsiortut eqqagaat pillugit malittarisassaq kiisalu anartarfilerineq pillugu malittarisassaq tunngavigalugit. Malittarisassat ilutsimikkut imarisamikkullu Kommuneqarfik Sermersuumi sumiiffinnut tamanut atuuttuupput.

Kommuneqarfik Sermersuumi eqqakkanik aallertarneq anartarfilerinerlu kommunip nammineq suliffeqarfiutaanit Paamiuni, Ittoqqortoormiini nunaqarfinnilu tamanit ingerlanneqartarpoq. Ittoqqortoormiini suliffeqarfiit eqqakkanut katersuiffiinit imaarsisarneq Entreprenørfirmaet Itt-Byg-imit isumagineqartarpoq. Nuummi aamma Tasiilami eqqakkat aamma anartarfilerineq namminersorlutik ingerlatsisunit /entreprenørinit isumagineqartarput.

Nuummi inoqutigiit anartarfilerinermut nalunaarsimasut taamaallaat 13-inut ikiliniuuupput. Taakkuninnga sullissineq Eqqagassaleriffimmi Ingerlatsinermut Avatangiisinullu

Immikkoortoqarfianit isumagineqarpoq. Naatsorsuutigineqarpoq ukiuni marlussunni tulliuuttuni inoqutigiit taakkua sinneruttut 13-it kuuffissuaareersunut attavilerneqarnissaat.

Apeqqutigineqartunut aalajangersimasunut oqaaseqaatit.

Ad 1: Ingerlatsiviup namminersorlutillu ingerlatsisut akornanni suleqatigiinneq/attaveqaqatigiinneq suliniutit imaluunniit allannguuteqartoqartillugu ingerlaavartumik ilisimatitsisarneq tunngavigalugu ingerlanneqarpoq, tassani namminersorlutik ingerlataqartut/entreprenørit suliap ingerlaneranut akuutinneqartarlutik.

Ad 2: Ukiualuit matuma siornatigut programmi Reno Web pisiarineqarnikuuvoq. Programmip pitsaanerumik suliaqarsinnaaneq, nalunaarsuineq aammalu eqqakkanik tunioraasut aqunneqarneri qulakkeerpai (innuttaasut, inuussutissarsiuqartut suliffeqarfiillu) Kommuneqarfik Sermersuumiittut. Reno web-ip ullumikkut killiffia tassaavoq taanna tamakkiisumik Paamiuni Nuummilu atuutilersinneqarnera, aamma fakturaliornernut il il tunngatillugu.

Ad 3-4: Tasiilami atuutilersinneqarnissaa aallartinneqareerpoq naatsorsuutigineqarporlu 2019-ip upernaami naammassineqarnissaa.. Suliami tassani eqqakkanik tunioraasut tamarmik ingerlaavartumik misissorneqartarput (innuttaasut, inuussutissarsiuqartut suliffeqarfiit il il), eqqakkanut puussiarsuarnut inissiiviit nalunaarsorneqarsimasut amerlassusii kiisalu imaarneqartarnerisa akuttussusii ilanngullugit. Tasiilami Eqqaaveqarfik suliamut ilanngutsinneqarpoq, qulakkeerumallugu eqqakkanik tunioraasut nalunaarsimasut tamarmik eqqakkanik anartarfinnillu katersuisarnermut nalunaarsimasut ilaatinneqarnissaat.

Ad 5: Immikkoortuni taaneqartuni Ingerlatsiviup atuuffia najukkami ilisimasanik tunngaveqarpoq kiisalu najukkami suliaqartunik, pisinnaasaannik nukissaannillu paasisimasaqarnermik.

Aningaasatigut sulisoqarnikkullu naliliinerit

Kommuneqarfik Sermersuumi anguniarneqarpoq atortoq taanna atuisut akiliutaat atorlugit tamakkiisumik aningaasalersorneqarnissaa. Tassunga tunngasut akiisa naleqqussarneqarnerinik suliaqarneq suli naammassivinneqanngilaq, taamaattumillu ukiumoortumik Kommunalbestyrelse tassunga aningaasanik immikkoortitsisarpoq.

Inatsisitigut tunngavissaq allakkallu tunngaviusumik uppernarsaatitallit

Angerlarsimaffinnit eqqakkat pillugit maleruagassaq
Inuussutissarsiortunit eqqakkat pillugit maleruagassaq
Anartarfilerinermut maleruagqusaq

Ingerlariaqqinnissaq

Ingerlatsiviup namminersorlutik ingerlataqartut entreprenørilla ingerlaavartumik ineriartortitsinermi aammalu kommunip eqqagassalerinermik sullissinerani pisussaaffiliisumik oqaloqatigisarnissai aamma qanimut suleqatiginissai anguniarpaa.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfimmit oqaaseqartitsisoqarsimangilaq.

Oqaaseqaatigineqartut allat

Soqanngilaq

Ilanngussat

Soqanngilaq

Punkt 4: Aalajangiiffigisassat

Soqanngilaq.

Beslutning

Soqanngilaq.

**Punkt 5: Suliat Aningaasaqarnermut Inuussutissarsiornermullu
Ataatsimiititamut aammalu Kommunalbestyrelsimut ingerlateqqitassat**

Punkt 05A: Qamuteralaat pillugit ileqqoreqqusaq, Inaarutaasumik akuersissutigineqarnera

Beslutning

Innersuussutigineqartut akuersissutigalugit.

Mala Høy Kuko (S): Tasiilami qamuteralattartut klubiat peqataatinneqassaaq.

Bilag

Bilag 1_KAL.pdf

Bilag 2_KAL_DK.pdf

Bilag 3_KAL.pdf

Qamuteralaat pillugit ileqqoreqqusaq, Inaarutaasumik akuersissutigineqarnera

Assartuutit motorinik ingerlatillit nunaannarmi aammalu illoqarfiit nunaqarfiillu killeqarfiini atorineqarneri

Aalajangiiffigisassaq J.nr.: 16.08-P1/25/17

Sanarfinermut Avatangiisinullu Ingerlatsivik – Pisortaq Hans Henrik Winther Johannsen / HHWJ

Suliassamik eqikkaaneq

Qamuteralaat pillugit ileqqoreqqusassatut siunnersuut sapaatip-akunnerini 8-ni, 28.11.2018-imiit 23.01.2019-imut, tamanut tusarniaassutigineqarpoq. Tusarniaanermut akissutit qulit piffissaq eqqorlugu tunniunneqarput, taakkunanilu akerliliissutit oqaaseqatigiinnik iluarsiinermik taamaallaat kinguneqarsimapput. Paragraffi ataaseq erseqqissarneqarpoq, ilanngussallu tamanit paasineqarsinnaangorlugit iluarsaanneqarlutik, naggasiullugu aatsitassarsiornissamut akuersissutit ilanngussani aamma takuneqarsinnaalerput.

Inassuteqaat/Inassuteqaatit

Sanarfinermut Avatangiisinullu Ingerlatsivimmit inassuteqaatigineqarpoq:

- qamuteralaat pillugit ileqqoreqqusaq inaarutaasumik akuersissutigineqassasoq
- qamuteralaat pillugit ileqqoreqqusassatut siunnersuut akuersissutigineqartoq Aningaasaqarnermut Inuusutissarsiornermullu Ataatsimiititamut aamma Kommunalbestyrelsimut akuersissutigineqarnissaanut taamalu tamanut saqqummiunneqarnissaa siunertaralugu ingerlateqqinneqassasoq

Suliassamik saqqummiussineq

Kommunalbestyrelsip qamuteralaat pillugit ileqqoreqqusaq ulloq 20. novembari 2018-imi ataatsimiinnermini akuersissutigaa. Siunnersuut sapaatip-akunnerini 8-ni, piffissami 28.11.2018-imiit 23.01.2019-imut, tamanut tusarniaassutigineqarpoq, tusarniaanermullu akissutit qulit piffissaq eqqorlugu tunniunneqarput, taakkunanilu akerliliissutit oqaaseqatigiinnik iluarsiinermik taamaallaat kinguneqarsimapput. Paragraffi ataaseq erseqqissarneqarpoq, ilanngussallu tamanit paasineqarsinnaangorlugit iluarsaanneqarlutik, naggasiullugu aatsitassarsiornissamut akuersissutit ilanngussani aamma takuneqarsinnaalerput.

Ileqqoreqqusami nunaannami angallanneq pillugu tamanut aalajangersaasoqarpoq, assersuutigalugu angallassinnginnermi aput qanoq annertutigissanersoq pillugu. Tamatuma saniatigut ileqqoreqqusami illoqarfinni nunaqarfinnilu angallanneq pillugu aalajangersagaqarpoq. Ilanngussat nutarterneqarput, taamaasilluni sumi larvefodinik atuineq inerteqqutaannginnersoq erseqqissumik takussutissiarineqarluni.

Oqaluttuarisaaneq

Qamuteralaat pillugit ileqqoreqqusatut siunnersuut siulleq piffissami 19.12.2016 – 06.02.2017 tamanut tusarniaassutigineqarpoq.

Piffissami tusarniaaffiusumi tamatumani ingerlatsivik ilaatigut nunataq annertoq alla nutaaq angalaffioqquneqanngitsoq pillugu Pinngortitaleriffimmit tusarniaanermi akissuteqarfigineqarpoq.

Nunataq pineqartoq ima angitigaaq, allaat siunnersuut pillugu nutaamik tusarniuteqartariaqalersimalluni.

Tusarniuteqarnerup ingerlanerani aamma Namminersorlutik Oqartussat inatsisileriffianit suliap ingerlanera pillugu allaaserisamik ingerlatsivik tigusaqarpoq, tassani nassuiarneqarluni kommunimi siunissami ileqqoreqqusanut tunngasunik periuserineqartalertussat. Taakku periuserisartagaat naapertorlugu nutaamik tusarniaasoqannginnerani naalakkersuisoqarfiit attuumassuteqartut tusarniaaffigineqaqqaartartut.

Ingerlatsiviup siunnersuut tassunga naleqqussarlugu iluarsivaa Namminersorlutik Oqartussanullu naalakkersuisoqarfinnut susassaqtartunut tusarniaassutigalugu. Siunnersuummi iluarsineqartumi ingerlatsiviup, imeqarfiup killeqarfiini atorneqanngitsuni aqqusiortoqarnissaa qinnuteqaatigaa. Ingerlatsiviup qinnuteqaataa itigartinneqarpoq, imeqarfiup killeqarfiata (maannakkut atunngitsaq) atorunnaarsinneqarnissaanik Namminersorlutik Oqartussat maanna oqaloqatigileruttorpaa, imaluunniit aamma imeqarfiup killeqarfia aqqusaarlugu ingerlasoqarsinnaanerani ajornartitsinngitsumik Namminersorlutik Oqartussat nutaamik nalunaarusiorsinnaavoq. Tassunga assingusumik Sisimiut pillugu Namminersorlutik Oqartussat siusinnerusukkut nalunaarusiaqarpoq, tassanilu imeqarfiup killeqarfia aqqusaarlugu qamuterallannik angallanneq ajornartinneqanngilaq. Suliap ingerlanneqarnera siviisummat ingerlatsivik nutaamik siunnersuusiorniarluni aalajangerpoq, nunaannarmi qamuterallannik angallannermut malittarisassanik najoqqutassanillu kommune amigaateqarmat. Naak imeqarfiup killeqarfii assigiinngitsut pillugit ajornartorsiuteqartoqartoq ilisimareeraluarlugu.

Aaqqiissutissatut siunnersuut – suliatigut naliliineq

Ingerlatsiviup nalilerpaa, Qamuterallaat pillugit ileqqoreqqusami sumiiffinni larvefodit atorlugit angallassiffiusinnaasuni malinnaaffigiuminartuusoq, aammalu ileqqoreqqusaq kommunimut sakkussatut pitsaasutut atorneqarsinnaassasoq.

Nunaannarmi nakkutillineq kommunip pisussaaffigivaa. Ima ingerlassaaq, inerteqqutaasumik angallattoqarnera kommunimit paasineqarpat imaluunniit angallassissummik qimatsisoqarsimappat, tamakkua kommunimit nalunaarsorneqassapput, ileqqoreqqusamilu aalajangersarneqartut naapertorlugit iliuuseqassalluni.

Aningaasatigut sulisoqarnikkullu naliliinerit

Ileqqoreqqusamik suliaqarneq annertoorsuarmik aningaasanik sulisunillu atuiffiusariaqarsimangilaq.

Inatsisitigut tunngavissaq allakkallu tunngaviusumik uppersaatitalit

Namminersorlutik Oqartussat nalunaarutaat nr. 10, 10. oktober 2013-imeersoq

Ingerlariaqqinnissaq

Ingerlatsivik suleqatigiissitami suleqataavoq, tassani qanoq Namminersorlutik Oqartussat maanna Nuummi Kapisilinnilu imeqarfinnut killeqarfiit pioreersut naleqqussarneqarsinnaanersut imaluunniit killeqarfinni taakkunani nalunaarusiortoqarsinnaanersaq misissuisoqassaaq. Qamuterallattartoqatigiit Qamutit Nukissiorfiillu taamattaq suleqatigiissitamiipput.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfiup inassuteqaatit taperserpai.

Innuttaasunik peqataatsineq/attaveqaqatigiinneq

Siunnersuut tamanut nalunaarutitut saqqummiunneqassaaq kommunillu nittartagaani saqqummiunneqarluni. Tamatuma saniatigut ileqqoreqqusaq oqartussaqaqarfinnut attuumassuteqartunut nassiunneqassaaq.

Ingerlatsivinniit allaniit oqaaseqaatigineqartut

Uani oqaaseqaatigiinnik ikkussigit imaluunniit -

Ilanngussaq/Ilanngussat

1. Akerliliissutit suliarineqarneri
2. Akerliliissutit
3. Ileqqorerqqusaq

Punkt 05B: Kommunimut pilersaarummut tapiliussatut siunnersuut 1C37-1 Nunatta Eqqumiitsulianik Saqqummersitsivia Inissisimaffik nutaaq

Beslutning

Innersuussutigineqartut akuersissutigalugit.

Bilag

1C37-1_Forslag_KAL.pdf

Kommunimut pilersaarummut tapiliussatut siunnersuut 1C37-1 Nunatta Eqqumiitsulianik Saqqummersitsivia Inissisimaffik nutaaq

Aalajangiiffigisassaaq

J.nr.: 16.03.01.01-P16-18-18

Sanarfinermut Avatangiisinullu Ingerlatsivik – Pisortaq Hans Henrik Winther Johannsen / HHWJ

Suliassamik eqikkaaneq

Kommunimut pilersaarummut tapiliussatut siunnersuut 1C37-1 naapertorlugu Nunatta Eqqumiitsulianik Saqqummersitsiviata sanaartorneqarnissaa piviusunngussaaq taavalu immikkoortup ilaata 1C37-mut nutaamut nalinginnaasumik aalajangersakkat allaaserineqarput. Kommunimut pilersaarummut tapiliussassaaq naapertorlugu Nunatta Eqqumiitsulianik Saqqummersitsivia pingasunik quleriinngorlugu portunerpaamillu nunamiit 15 meterinik portussuseqassaaq. Tamatuma saniatigut kommunimut pilersaarummut tapiliussassaaq naapertorlugu sanaartornermi sumiiffiup avatangiisai sukisaarsarfiussallu pingaartinneqarput, matumani sissaaq sinerlugu aqqusineeqqap immikkoortua 2 ilanngullugu.

Pilersaarutip inissisimavissaa arlaleriarlugu allanngortinneqarpoq, ingerlatsiviulli Nunatta Eqqumiitsulianik Saqqummersitsiviata siulersuisui suleqatigalugit isumaqatigiissutigineqarpoq, inissisimaffissatut maannakkut siunnersuutigineqartoq pilersaarummut tulluarluinnartuusoq.

Inassuteqaatit

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigaa:

- Kommunimut pilersaarummut tapiliussatut siunnersuut 1C37-1 Nunatta Eqqumiitsulianik Saqqummersitsivia akuersissutigineqassasoq.
- Sapaatip akunnerini arfineq pingasuni tamanut tusarniaanissaaq siunertaralugu siunnersuut akuersissutigineqartoq Aningaasaqarnermut Inuussutissarsiornermullu Ataatsimiititamut akuersissutigisassanngorlugu ingerlateqqinneqassasoq
- Aningaasaqarnermut Inuussutissarsiornermullu Ataatsimititap tamatuma kingorna suliaq Kommunalbestyrelsimut ilisimatitsissutit ingerlateqqissagaa.

Suliassamik saqqummiussineq

Nunatta Eqqumiitsulianik Saqqummersitsivia titartaasartunik unammisitsisoqarnerata kingorna Nuummi sumiiffinni assigiinngitsuni inissisimanissaanik siunnersuuteqartoqartarpoq. Pilersaarutip ilusilersugaanera titartaasarfik BIG-imit suliaavoq, taanna Nuummi titartaasarfik TNT Nuuk peqatigalugu 2011-mi unammisoqarnerani ajugaavoq

Siorarsiorfik pillugu pilersaarutip ingerlanerani siunnersuutigineqarpoq, Nunatta Eqqumiitsulianik Saqqummersitsivia Nuup arsaattarfissuata eqqaaniitinneqassasoq. Nunatta Eqqumiitsulianik Saqqummersitsiviata siulersuisui oqaloqatigereerlugilli taakku inissamik nutaamik nassaarput. Kommunimut pilersaarummut tapiliussatut siunnersuut una inissisimaffissatut siunniussaaq taanna

tunngavigalugu suliaavoq, tassa illoqarfiup ilaani Qaqortup Qernertunnguillu akornanni qaqqaqarfimmi.

Kommunimut pilersaarummut tapiliussatut siunnersuummi illuliortaatsip soqutiginarsagaasup immikkoortumi avatangiisit nunataatalu ilusaa kiisalu sukisaarsarfittut pilersaarutigineqartut pingaartinneqarput Inissisimaffissaanut naleqqussarneqassaaq sumiiffiup qaqqaqarnera sukisaarsarfissaqqinneralu, immikkoortumi sissaq sinerlugu aqqusineeqqamut (Immikkoortup aappaa) Nuummi sukisaarsarfiit pingaarnertut periusissioneqarnerinut atatillugu ilanngussisoqarnissaa pilersaarutaasoq ilanngullugit. Kommunimut pilersaarummut tapiliussatut siunnersuummi ilanngullugu eqqumaffigineqassalluni, sissaq sinerlugu aqqusineerassap periusissionera, taamaalillunilu sissaq sinerlugu aqqusineeqqap immikkoortumi aqqutissatut pilersinneqarnissaa.

Aaqqiissutissatut siunnersuut – suliatigut naliliineq

Ingerlatsiviup nalilerpaa, inissisimaffissaa pilersaarummut angisuumik illuliornissaaq eqqarsaatigalugu tulluurtuusoq aamma eqqaani sukisaarsarfissatut pilersaarutaasunut naapertuuttoq.

Aningaasatigut sulisoqarnikkullu naliliinerit

Kommunimut pilersaarummut tapiliussamik suliaqarneq kommunip missingersuutaanik artukkiisimangilaq.

Inatsisitigut tunngavissaq allakkallu tunngaviusumik uppernarsaatitallit

Pilersaarusionerq aamma nunaminertat atornerqartarnerat pillugit Inatsisartut inatsisaat nr. 17, 17. novembari 2010-meersoq

Ingerlariaqqinnissaq

Kommunimut pilersaarummut tapiliussaq inaarutaasumik akuersissutigineqannginnerani sapaatit-akunnerini arfineq-pingasuni tamanut tusarniaassutigineqassaaq.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfiup siuliani taaneqartut innersuusutigai.

Innuttaasunik peqataatitsineq/attaveqaqatigiinneq

Siunnersuut piffissami 24.04. 2019 – 19.06. 2019 sapaati-akunneri arfineq-pingasuni tamanut tusarniaassutigineqassaaq, tamannalu Nuuk Ugeavis, kommunip tusarniaaviatigut kiisalu kommunip digitaalikkut saqqummiiviatigut pissaaq.

Ingerlatsivinniit allaniit oqaaseqaatigineqartut

Oqaaseqaateqartoqanngilaq.

Ilanngussaq

1. Siunnersuut, Kommunimut pilersaarummut tapiliussatut 1C37-1 Nunatta Eqqumiitsulianik Saqqummersitsivia

Punkt 05C: Kommunitut pilersaarummut tapiliussatut siunnersuut, 2B1-1 Industrivej. Nuuk, Nussuaq

Beslutning

Innersuussutigineqartut akuersissutigalugit.

Bilag

2B1-1_Bilag1_KAL.pdf

2B1-1_bilag2_KAL.pdf

2B1-Industrivej_KAL.pdf

Kommunimut pilersaarummut tapiliussatut siunnersuut, 2B1-1 Industrivej. Nuuk, Nussuaq

Aalajangiiffigisassaq

J.nr.: 16.03.01.01-P16-10-18

Sanarfinermut Avatangiisinullu ingerlatsivik – Pisortaq Hans Henrik Winther Johannsen / HHWJ

Suliassamik eqikkaaneq

Sanarfinermut Avatangiisinullu Ingerlatsiviup matumuuna kommunimut pilersaarummut tapiliussaq 2B1-1 Industrivej, Nuuk akuersissutigisassanngorlugu saqqummiuppaa.

Kommunimut pilersaarummut tapiliussami suliffeqarfiit mingutsitsiffiunnginnerusut ineriartortinneqarnissaannut periarfissiiffiussaaq, soorlu maskiinanik iluarsaasarfiit, biilnik iluarsaasarfiit, quersuit aammalu pisiniarfiit allaffeqarfiillu.

Kommunimut pilersaarummut tapiliussap siunertaraa sanaartorfissanik nuttaanik immikkoortitsisoqarnissaa nunaminertamik atuinissamik akuersissutinik aallaaveqartunik, aammalu sanaartorfissanik ataatsimoortitsinissamut periarfissiisunik.

Kommunimut pilersaarummut tapiliussaq siunnersuutitut tamanut tusarniaassutigineqarpoq sapaatip akunnerini arfineq-pingasuni piffissami 21.11.2018 - 16.01.2019.. Tusarniaassummut akissuteqaat ataaseq pissarsiarineqarpoq. Taanna annikitsunik oqaasertaatigut taamaallaat aaqqiissuteqartitsivoq.

Inassuteqaat

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigaa:

- Sanarfinermut Avatangiisinullu Ataatsimiititamit Kommunimut pilersaarummut tapiliussap 2B1-1, Industrivej, Nuuk akuersissutigineqassasoq
- Kommunimut pilersaarummut tapiliussaq Sanarfinermut Avatangiisinullu Ataatsimiititamit akuersissutigisaq, Aningaasaqarnermut Inuussutissarsionermullu Ataatsimiititamut akuerisassanngorlugu ingerlatinneqassasoq
- Aningaasaqarnermut Inuussutissarsionermullu Ataatsimiititamit tamatuma kingorna kommunimut pilersaarummut tapiliussaq akuerisaq inaarutaasumik akuerisassanngorlugu Kommunalbestyrelsimut ingerlateqqinneqassasoq.

Suliassamik saqqummiussineq

Inuussutissarsiteqartut inuussutissarsiteqarfinni pioreersuni alliliinissaq ujartorpaat.

Kommunimut pilersaarummut tapiliussami matumani immikkoortut 2C2 aamma 2B1 inuussutissarsiteqarfittut ataatsimoortinneqarnissaat periarfissaavoq. Taamaasilluni Industrivej ilaannakortumik sumiiffik-C-tut nalunaarsorsimanera allanngortissaaq, qitiusoqarfinngorlugu sumiiffik-B-tut, inuussutissarsiteqarfik.

Kommunimut pilersaarummut tapiliussami suliffeqarfiit mingutsitsiffiunnginnerusut ineriartortinneqarnissaannut periarfissiiffiussaaq, soorlu maskiinanik iluarsaasarfiit, biilnik iluarsaasarfiit, quersuit aammalu pisiniarfiit allaffeqarfiillu. Illoqarfimmi inuussutissarsiuteqarfiit anginerusutpilersaarusionerq eqqarsaatigalugu inuussutissarsiuteqarfiit annertusaavigineqarnissaannut tunngaveqarput, illoqarfiullu ilaani sumiiffinni allani inuussutissarsiuteqarfinnik allanik pilersitsiffiussalluni. Pilersaarummi sumiiffiup piffissap ingerlanerani ineriartortinneqarnissaa siunertarineqarpoq, taamaattumillu maannakkut tamaani inissisimasut pisarnertut ingerlaannassapput.

Kommunimut pilersaarummut tapiliussami, sanaartorfissani immikkoortinneqartuni portunerpaamik illut sisamanik quleriillit tikillugit sananeqarsinnaapput, tamakkualu immikkoortumi nunaminertat atugassiissutigineqartut pioreersut aallaavigineqassallutik. Kommunimut pilersaarummut tapiliussami periarfissaavoq sanaartorfissat ataatsimoortinneqarnissaat nunaminertanut arlalinnut, taamaasillunilu sanaartorfissanik anginerusunik periarfissaqalersitsissalluni.

Ullumikkut Industrivej angallaffiusaqaq ilaatigut pisuinnarnit, cykkilertunit motoorilinniingitsunillu allanit, tamaanilu aamma arlalinnik pisiniarfeqarpoq. Immikkoortumi Nuup qeqqa Nuussuarlu ataqatigiissinneqarput. Taamaattumik Industrivejip tungaanut illut saqqaasa ilusilersorneri illuliortaatsillu atorneqartussat pingaartinneqassapput, aqquserngup takujuminartuunissaanut nittarsaaqataassallutik, illut silatai aqquserngup tungaanut sammitinneqassallutik. Pisuinnarnut allanullu aqqusineq suli pitsanngorsarniarlugu kommunimut pilersaarummut tapiliussami siunnersuutigineqarpoq, aqquteeqqap Industrivejikkoortup titartarneqarnissaa, taassumalu aasakkut ujarassuarnik inissitsiteriffiusarnissaa. Ujarassuit taakkua ukiuunerani peerneqartassapput, tamaani aputaajaasoqartarniassammat.

Aaqqiissutissatut siunnersuut – suliatigut naliliineq

Nuuk inuussutissarsiuteqarfinnik pisariaqartitsiffiuvoq suliffeqarfinnut mingutsitsiffiunnginnerusunut atugassanik. Sumiiffimmi pisiniarfinnut ataqatigiissarlugu suliffeqarfiillu pioreersut tamaaniimmata Ingerlatsiviup nalilerpaa, kommunimut pilersaarummut tapiliussami Industrivejip pitsaasumik ineriartortinneqarnissaanut ilassuseeqataassasoq.

Ingerlatsiviup ilanngullugu pingaartippaa, kommunimut pilersaarummut tapiliussaq aqqutigalugu aqquteeraq illoqarfimmi sumiiffinnut assigiinngitsunut aallaaviusoq atorlugu pisuinnaat, cykkilertut motoorilinnillu atuinngitsut atugassarissaarnerulissasut.

Aningaasatigut sulisoqarnikkullu naliliinerit

Kommunimut pilersaarummut tapiliussamik suliaqarneq aningaasaqarnikkut kinguneqassanngilaq.

Inatsisitigut tunngavissaq allakkallu tunngaviusumik uppernarsaatitalit

Pilersaarusionerq aamma nunaminertat atorneqartarneri pillugit Inatsisartut inatsisaat nr. 17, 17. november 2010-imeersoq aamma

Inatsisartut inatsisaat nr. 34, 9. decembari 2015-imeersoq

Kommunimut pilersaarut digitaliusoq www.sermersooq2028.gl

Ingerlaqqinneq

Kommunimut pilersaarummut tapiliusaaq Sanarfinermut Avatangiisinullu Ataatsimiititami akuersissutigineqareerpat Aningaasaqarnermut Inuusutissarsionermullu Ataatsimiititami kingornalu Kommunalbestyrelsimut akuersissutigisassanngorlugu ingerlateqqinneqassaaq.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfimmit allanik oqaaseqaatissaqartoqanngilaq suliassamillu saqqummiussami innersuussutigineqartup akuersissutigineqarnissaa inassutigalugu.

Innuttaasunik peqataatsineq/attaveqaqatigiinneq

Kommunimut pilersaarummut tapiliusaaq siunnersuutitut tamanut tusarniaassutigineqarpoq sapaatip akunnerini arfineq-pingasuni piffissami 21.11.2018 - 16.01.2019 tassungalu atatillugu tusarniaanermi akissuteqaat ataaseq piffissaaq eqqorlugu tiguneqarpoq.

Ingerlatsivinniit allaniit oqaaseqaatigineqartut

Soqanngilaq

Ilanngussat

1. Ingerlatsivimmi tusarniaanermut akissutiniq suliarinninneq
2. Tusarniaanermi akissutit
3. Kommunimut pilersaarummut tapiliusaaq 2B1-1

Punkt 05D: Pilersaarusiornermut periusissiaq P18 – Inaarutaasumik akuersissutiginera

Beslutning

Innersuussutigineqartut akuersissutigalugit.

Bilag

Bilag 1 KAL.pdf

Bilag 2 KAL.pdf

Planstrategi P18_Endelig KAL.pdf

Pilersaarusionermut periusissiaq P18 – Inaarutaasumik akuersissutiginer

Aalajangiiffigisassaq

J nr: 16.03-P15-1-18

Sanarfinermut Avatangiisinullu ingerlatsivik – Pisortaq Hans Henrik Winther Johannsen / HHJW

Suliassamik eqikkaaneq

Pilersaarusionermut inatsimmi § 34 naapertorlugu kommunalbestyrelsip kommunimut qinigaaffiup siulliup naannginnerani (imaappoq kingusinnerpaamik 2014/15-imi ukiup nikinnerani)

Pilersaarusionermut periusissamik tamanut saqqummiussaqaassaaq. Periusissiami allaaserineqassaaq, siunissami kommunimut pilersaarusionermi suut qitiutinneqassanersut.

Pilersaarusionermut periusissiaq P18, makkuninnga imaqarpoq:

- kommunimut pilersaarut kingullermik nutarterneqarmalli pilersaarusionerup killiffia (kommunimut pilersaarutip digitaaliusup Sermersooq2028.gl marsi 2017-imi naammassineqarnera ilanngullugu)
- siunissami ineriartortitsinissamut apeqqutit pingaarnerit allaaserineri
- periusissiami nutaami kingornagullu kommunimut pilersaarummi sammineqartussat nutaat pillugit innersuussut

Aggustip 27-iani 2018-imi immikkut sammisaqarnermi Kommunalbestyrelse pilersaarusiamut periusissiaq nutartigaq siulleq suliniutissat imaluunniit sammineqartussat pingaartillugit saqqummiussiffigineqarpoq. Tamatuma kingornagut **Pilersaarusionermut periusissiaq P18** suliarineqassaaq, sapaatip-akunnerini arfineq-pingasuni tusarniaassutigineqareersoq. Piffissami tusarniaaffiusumik tusarniaanermut akissutit marluk tiguneqarput, taakkulu oqaaseqatigiinnik annikitsunik allannguuteqartitsinermik kinguneqarput.

Inassuteqaat

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigaa:

- kommunimut pilersaarutip ilaannakortumik iluarsaanneqarneranut atatillugu **Pilersaarusionermut periusissiaq P18** naammassineqassasoq, Nutarterneranit aalajangiinermut immikkoortumi allaaserineqartoq maliillugu.
- **Pilersaarusionermut periusissiaq P18** inaarutaasumik akuersissutigineqassasoq taavalu Aningaasaqarnermut Inuussutissarsionermullu Ataatsimiititamut akuersissutigisassanngorlugu ingerlateqqinneqassasoq
- Aningaasaqarnermut Inuussutissarsionermullu Ataatsimiititap **Pilersaarusionermut periusissiaq P18** Kommunalbestyrelsimit inaarutaasumik akuersissutigisassanngortinnissaanut ingerlateqqissagaa.

Suliassamik saqqummiussineq

Pilersaarusiornermut inatsimmi § 34 naapertorlugu kommunalbestyrelsip kommunimut qinigaaffiup siulliup naannginnerani Pilersaarusiornermut periusissamik tamanut saqqummiussaqaassaaq. Periusissiami allaaserineqassaaq, siunissami kommunimut pilersaarusiornermi suut qitiutinneqassanersut.

Pilersaarusiornermut periusissiami allaaserineqassapput, pilersaarusiornermut periusissiap kingullermik nutarterneqarneraniilli susoqarsimanersoq aammalu ukiuni sisamani tulliuttuni kommunalbestyrelse sunik sammisaqarniarnersoq, taannalu periarfissat makku pillugit aalajangiiffiussalluni:

1. kommunimut pilersaarut tamarmi iluarsaanneqassasoq,
2. kommunimut pilersaarummi sammisami ataatsimi amerlanerusuniluunniit iluarsaassisoqassasoq,
3. kommunip nunataani sumiiffiit ilaannut iluarsaassisoqassasoq,
4. kommunimut pilersaarut ukiuni sisamani atuuttussanngorlugu nutaamik akuerineqassasoq.

Aggustip 27-iani 2018-imi Kommunalbestyrelsip ataatsimiinnerani workschoppertoqarpoq, tassanilu ingerlatsiviup pilersaarusiap suliarinera saqqummiunneqarpoq, tassungalu atatillugu isumassarsianik aammalu Pilersaarusiornermut periusissiaq 18-imut suliniutissanik allannik saqqummiussisoqarluni. Ilaatigut tassani saqqummiunneqarput sanaartornermi piujuartitsineq qulakkeerniarlugu kommune periusissiamik siunnersuutigineqarpoq, Nuummi Aqqaluks Pladsimik ineriartortitsinissamik pilersaarut, Tasiilap eqqaata UNESCO-p nunarsuaq tamakkerlugu eriagisassatut allattorsimaffianut ilanngutitinnissaanut qinnuteqaatip ingerlanissaa aammalu kommunimi takornarialerineri ineriartortitsinissamat pilersaarut.

Aaqqiissutissatut siunnersuut – suliatigut naliliineq

Ingerlatsiviup **Pilersaarusiornermut periusissiaq P18** atorlugu toqqarpaa ataatsimoortumik allaaserisaqarniarluni, ingerlatsivinni tamani ulluinnarni sulineri atugassatut tigussaasutut atorneqartussamik. Allatut oqaatigalugu allaaserisaq tassaassaaq, pilertortumik kommunip sumut ingerlaniarneranik nassaasaqarfiusoq, taamaasillunilu siunissami immikkoortunut pilersaarusiornermi tunngaviliisuususaq.

Kommunalbestyrelsimut suleqatigiinnissamik isumaqatigiissummi (Kommune illoqarfiit pingaarnersaqarfiusoq siuarsartoq) kommunip iluani avammullu suleqatigiinneq, aammalu kommunip sulinera malinnaaffigiuminarlunilu innuttaasunit ataasiakkaanit pissarsiariuminartuunissaa pingaartinneqarpoq.

Kommunimut pilersaarummi digitaaliusumi Sermersooq2028.gl-imi Kommuneqarfik Sermersooq pitsaasumik pilersaarusiornermut sakkussaqaarpoq, kommunip pingaarnertut ineriartornissaanut ikorfartuutaasumik. Taamaattumik Sanarfinermut Avatangiisinullu Ingerlatsiviup innersuussutigaa, sammineqartussat nutaat kommunimut pilersaarummi periusissiamut ineriartortitsinissamat ilanngunneqassasut aammalu Nutarternissaanut aalajangernissami allaaserineqartutuut kommunimut pilersaarummi suliniutigineqartussat ilaasa nutarterneri kisimik suliarineqassasut.

Sammineqartussat nutaat suliassaqaarfinnut killilikkanut timitaliinerit ilaat pineqarput, kommune tamakkerlugu periusissatut pilersaarutit ilanngullugit. Arlaqartut ingerlatsiviit arlallit

suleqatigiissinnerisigut suliarineqassapput, ilaallu Sanarfinermut Avatangiisinullu Ingerlatsivimmi tunngaviligaallutik.

Aningaasatigut sulisoqarnikkullu naliliinerit

Pilersaarummut periusissiap suliarineqarnera ataavartumik pilersaarusionerup ilagivaa, taamaattumillu Sanarfinermut Avatangiisinullu Ingerlatsiviup aningaasaqarneranut sulisoqarneranullu kalluissanani.

Inatsisitigut tunngavissaq allakkallu tunngaviusumik uppersaatitallit

Pilersaarusionerup aamma nunaminertat atorineqartarneri pillugit Inatsisartut inatsisaat nr. 17, 17. november 2010-imeersoq

Kommunimut pilersaarut digitaliusoq www.sermersooq2028.gl

Ingerlariaqqinnissaq

-

Aningaasaqarnermut Allatseqarfimmit oqaaseqaatit

-

Innuttaasunik peqataatitsineq/attaveqaqatigiinneq

Nunaqarfinni Aqutsisut oktobarip aappaani ataatsimeeqatigineqareerput.

Pilersaarusionerumut periusissiaq siunnersuutitut kommunip nittartagaatigut tamanut saqqummiunneqareerpoq, kommunimilu illoqarfinni nunaqarfinnilu allagarsiivitsigut nittarsaanneqarluni, aammalu kommunimi inuit attaveqatigiittarfiisigut saqqummiunneqareerluni.

Ingerlatsivinniit allaniit oqaaseqaatigineqartut

-

Ilanngussat

1. Tusarniaanermut akissutit ingerlatsivimmit suliarineqarnerat.
2. Tusarniaanermit akissutit
3. Pilersaarusionerumut periusissiaq P18

Punkt 6: Taasariaqartut allat

Beslutning

Soqanngilaq.

Punkt 7: Suliat matoqqasut

Punkt 07A: Lukket

Punkt 07B: Lukket

Punkt 8: Imaqarniliap akuerineqarnera

Beslutning

Imaqarniliaq akuersissutigineqarpoq nal. 17.00.